

唐

音

統

籤

乙籤六十五陳子昂之四 唐音統籤卷四十三

五言排律

洛城觀酺應制

聖人信恭已天命允昭回蒼極神功被青雲秘籙
開垂衣受金冊張樂宴瑤臺雲鳳休徵滿魚龍雜
戲來崇恩踰五日惠澤暢三才玉帛羣臣醉徽章
縟禮該方覩升中禪言觀拜洛迴微臣固多幸敢
上萬年杯

奉和皇帝上丘一作禮撫事述懷應制

大君忘自物一作我應運居紫宸揖讓期明辟謳歌

且順人軒宮帝圖盛皇極禮容申南面朝萬國東
堂會百神雲陛旂常滿天庭玉帛陳鐘石和睿思
雷雨被深仁承平信娛樂王業本艱辛願罷瑤池
宴來觀農扈春卑宮昭夏德尊老睦堯親徵臣敢
拜手歌舞頌維新

南山家園林木交映盛夏五月幽然清涼獨
坐思遠率成十韻

寂寥守窮巷幽獨卧空林松竹生虛白階庭橫古
今鬱蒸炎夏晚棟宇闕清陰軒牕交紫靄簷戶對
蒼岑鳳蘊仙人籙鸞歌素女琴忘機委人代閉牖

察天心蛺蝶憐紅蕪蜻蜓愛碧潯坐觀萬象化方
見百年侵擾擾將何息青青長苦吟願隨白雲駕
龍鶴相招尋

卧病家園

世上無名子人間歲月賒縱橫策已棄寂寞道爲
家卧病誰能問閒居空物華猶憶靈臺友棲真隱
太霞還丹奔日御却老餌雲芽寧知白社客不厭
青門瓜

入峭峽安居谿伐木谿源幽邃林嶺相映有
奇致焉

蕭徒歌伐木驚檝漾輕舟靡迤隨迴水潺湲泝淺

流煙沙分兩岸露一作島夾雙洲古樹連雲密交

峯入浪浮巖潭相映媚谿谷屢環周路迴光逾逼

一作山深興轉幽麝颺寒思晚猿鳥暮聲秋誓息

蘭臺策將從桂樹遊因書謝親愛千歲覓蓬丘

于長史山池三日曲水宴

摘蘭藉芳月被宴坐迴汀汎灑清流滿葳蕤白芷

生金絃揮趙瑟玉柱弄秦箏巖榭風光媚郊園春

樹平煙花飛御道羅綺照昆明日落紅塵合車馬

亂縱橫

秋日遇荊州府崔兵曹使宴

并序

若夫尊卑位隔榮賤途分使卿士大夫倚軒裳而傲物山棲木食負林壑而驕人未有能屈富貴於沈冥雜薜蘿於簪笏天人坐契相從雲霧之遊風雨不疲高縱琴樽之賞崔兵曹紫庭公青青雲貴人以鍾鼎不足以致奇才煙霞可以交名士皇華昭國懷鳳綵而高尋白桂追遊邀兔置而下顧大矣哉生平未識一見而交道遂存此日披懷千載之風期坐合支道林之雅論妙理沈微崔子玉之雄才斯文未喪屬乎金龍掌氣石鴈驚秋天沆寥而煙日無光野寂寞而山川變色芸其黃矣悲白露於蒼葭木葉落兮慘紅霜於綠野爾其高興洽芳酒闌頌羲和而不留顧華堂而欲晚長歌有託思博稽古之文爰命小人率記當時之事人探一字六韻成篇

翰軒鳳皇使林藪鷓鴣雞冠江湖一相許雲霧坐交

歡興盡崔亭伯言忘釋道安秋光稍欲暮歲物已

將闌古樹蒼煙斷虛庭白露寒
瑤琴山水曲今日爲君彈

江上暫別蕭四劉三旋欣接遇

昨夜滄江別言乖天漢遊
寧期此相遇尚接武陵洲
結綬還逢育銜杯且對劉
波潭一瀾瀾臨望幾悠悠
山水丹青雜煙雲紫翠浮
終愧神仙友來接野人舟

入東陽峽與李明府舟前後不相及

東巖初解纜南浦遂離羣
出沒同洲島沿洄異渚

瀆

一作棲瀆
異江瀆

風煙猶可望歌笑浩難聞
路轉青山

合峯迴白日曛奔濤上漫漫積水下汙汙倏忽猶
疑及差池復兩分離離間遠樹藹藹沒遙氛地入
巴陵道星連牛斗文孤狄啼寒月哀鴻叫斷雲仙
舟不可見搖思坐氛氲

合州津口別舍弟至東陽峽步趨不及眷然
有意作以示之

江潭共爲客洲浦獨迷津思積芳庭樹心斷白睂
人同衾成楚越別島類胡秦林岸隨天轉雲峯逐
望新遙遙終不見默默坐含嚔念別疑三月經遊
未一句孤舟多逸興誰共爾爲鄰

白帝城懷古

日落滄江晚，停橈問土風。
城臨巴子國，臺沒漢王宮。
荒服仍周甸，深山尚禹功。
巖懸青壁斷，地險碧流通。
古木生雲際，孤帆出霧中。
川途去無限，客思坐何窮。

峴山懷古

秣馬臨荒甸，登高覽舊都。
猶悲墮淚碣，尚想卧龍圖。
城邑遙分楚，山川半入吳。
丘陵徒自出，賢聖幾凋枯。
野樹蒼烟斷，津樓晚氣孤。
誰知萬里客，懷古正踟蹰。

宿空舸峽青樹村浦

的的明月水啾啾
寒夜猿客思浩方
亂洲浦寂無喧憶
作千金子寧知九
逝魂虛聞事朱闕
結綬驚華軒委別
高堂愛窺覲明主
恩今成轉蓬去嘆
息復何言

宿驤河驛浦

沿流辭北渚結纜
宿南洲合岸昏初
夕迴塘暗不流卧
聞塞鴻斷坐聽峽
猿愁沙浦明如月
汀葭晦若秋不及
能鳴鴈徒思海上
鷗天河殊未曉滄
海信悠悠

答韓使同在邊

漢家失中策胡馬屢南驅聞詔安邊使曾是故人
謨廢書悵懷古負劔許良圖出關歲方晏乘障日
多虞虜入白登道烽交紫塞途連兵屯北地清野
備東胡邊城方晏閉斥堠始昭蘇復聞韓長孺辛
苦事匈奴雨雪顏容改縱橫才位孤空懷老臣策
未獲趙軍租但蒙魏侯重不受謗書誣當取金人
祭還歌凱入都

和陸明府贈將軍重出塞

忽聞天上將關塞重橫行始返樓蘭國還向朔方

城黃金裝戰馬白羽集神兵星月開天陣山川

地管晚風吹畫角春色耀飛旌寧知班定遠猶是

一書生

方回云晚風吹畫角猶池塘生春草自然

酬田逸人遊巖見尋不遇題隱居里壁

遊人獻書去薄暮返靈臺傳道尋仙友青囊賣卜
來聞鶯忽相訪題鳳久裴徊石髓空盈握金經秘
不開還疑縫掖子復似洛陽才

題居延古城贈喬十二知之

聞君東山意宿昔紫芝榮滄洲今何在華髮旅邊
城還漢功旣薄逐胡策未行徒嗟白日暮坐對黃

雲生桂枝芳欲晚
蕙以謗誰明無爲空
自老含歎
負生平

還至張掖古城聞東軍告捷贈韋五虛已

孟秋首歸路仲月旅邊亭
聞道蘭山戰相邀在井
陘屢鬪關月滿三捷虜雲平
漢軍追北地胡騎走
南庭君爲幙中士疇昔好言兵
白虎鋒應出青龍
陣幾成披一作據圖見丞相按節入咸京
寧知玉門道翻一作空作隴西行
北海朱旄落東歸白露生
縱橫未得意寂寞寡相迎
負劍空嘆息蒼茫登古城

贈嚴倉曹乞推命祿

少學縱橫術遊楚復遊燕栖遑長委命富貴未知
天聞道沈冥客青囊有秘篇九宮探萬象三算極
重玄願奉唐生訣將知躍馬年非同一作墨翟問
空滯殺龍川

萬州曉發放舟乘漲還寄蜀中親朋

空濛巖雨霽爛熳曉雲歸肅旅乘明發奔橈驚斷
磯蒼葦林岫轉絡繹漲濤飛遠岸孤煙出遙峯曙
日微前瞻未能駒坐望已相依曲直多今古經過
失是非還期方浩浩征思日駢駢寄謝千金子江
海事多違

夏日暉上人房別李參軍崇嗣

并序

考察天人旁羅變動東西南北聖賢不能定其
居寒暑晦明陰陽不能革其數莫不雲離雨散
奔馳於宇宙之間宋遠燕遙泣別於關山之際
自古來矣李參軍白雲英冑紫氣他人愛江海
而高尋頑風塵而未息來從許下月且出下龍
泉言入蜀中星文見於牛斗野亭相遇逆旅承
歡謝鯁之山水暫開樂廣之雲天自樂思道林
而不見張若有凶詣祗樹而從遊衆然舊款高
僧展袂大上臨筵披路之天書坐琉璃之寶
地簾帷後開拂鸚鵡之香林闕風前開照芙蓉
之綠水討論儒墨探覽真玄覺周孔之猶迷知
老莊之未悟遠欲高板寶座伏奏金簡罔不二
之法門觀大千之世界歡娛悅晚離別行催紅
霞生而白口歸青氣爽而碧山暮遠歌斷引抗
手將辭江漢浩浩而長流天地居然而不動嗟
乎色爲何色悲樂忽而固生誰去誰來誰會紛
而妄作俗之迷也不亦煩乎各述所懷不拘章韻

四十九變化一十三死生翕忽玄黃裏驅馳風雨
情是非紛妄作寵辱坐相驚至人獨幽鑒一作窈覽
窈隨昏明咫尺山河道軒牕日月庭別離焉足問
悲樂固能并我輩何爲爾栖皇猶未平金臺可攀
陟寶界絕將迎戶牖觀天地階基上杳冥自超三
界樂安知萬里征中國要荒內人寰宇宙榮弦望
如朝夕寧嗟蜀道行

同旻上人傷壽安傅少府

生涯良浩浩天命固諄諄聞道神仙尉懷德遂爲
隣疇昔逢堯日衣冠仕漢辰交遊紛若鳳詞翰宛

如麟太息勞黃綬長思謁紫宸金蘭徒有契玉樹
已埋壘把臂雖無託平生固亦親援琴一流涕舊
館幾_{一作}沾巾杳杳泉中夜悠悠世上春幽明長隔此
歌哭一作笑爲何人

五言絕句

題祀山烽樹贈喬十二侍御

漢庭榮巧宦雲閣薄邊功可憐驄馬使白首爲誰
雄

初入峽苦風寄故鄉親友

故鄉今日友歡會坐應同寧知巴峽路辛苦石尤

風

題田洗馬遊巖桔槔

望苑長為客商山遂不歸誰憐北陵井未息漢陰
機

古意題徐著作作令壁

白雲蒼梧來氛氲萬里色聞君太平世棲泊靈臺
側

別冀侍御崔司議 并序

朝廷歡娛山林幽海思魏闕寬已九飛飲岷江
情復三樂進不忘匡救於國退不慚無悶在林
冀侍御崔司議至公至平許我以語默于是矣
夫達則以公濟天下窮則以大道理身嗟乎子

昂豈敢負古人哉對國酒醕無以娛客至於挾
清瑟登高山白雲在天清江涵月可以散孤憤
可以遊太清一世之逸人寄千里之道友吾欲
不謝於崔其二公矣所恨酒未醒琴方清王事
靡盬驛騎遄速不盡平原十日之飲又謝叔度
累日之歡雲山悠悠歎不及也載想房陸畢子
為軒冕之人不知蜀山有雲巴水可與睽闕良
會我心惄然請以此酬寄謝諸子為巴山別引

也醉
詞曰

有道君匡國無悶

一作機

余在林白雲岷峨

一作峨眉

歲晚來相尋

燈

三五月華新遨遊逐上春芳宵殊未極隨意守燈

輪

卷終

乙籤六十六

唐音統籤卷四十四

杜審言字必簡易簡從弟善五言詩工書翰少與

李嶠崔融蘇味道為文章四友世號崔李蘇杜擢

進士為隰城尉洛陽丞恃才傲世坐事貶吉州司

戶參軍尋免歸則天召見令賦歡喜詩歎重其文

授著作佐郎累遷膳部員外郎神龍中坐交二張

流峯州入為國子監主簿修文館直學士卒贈著

作郎詩一卷

唐志集十卷宋志凶時有吉州戶曹趙彥清以審言嘗為其州司戶搜得

詩四十三首為一卷刻之戶廳今集即趙本也

本傳初審言乾封中預選試判吏部訖時蘇味道為侍郎審言謂人曰味道必死矣人驚問故曰彼

見吾判羞死耳又嘗語人吾文章合得屈宋作衙

官吾書跡得王羲之北面及將死謂宋之間武
平一日吾在父歷公等今且死固大慰但恨不見
皆人其於誕類如此王弼州云審言詩華藻整
栗小讓沈宋而氣度高逸神情圓暢自是中興之
祖陳氏書錄云唐初沈宋以來律詩始盛行然
未以平仄失眼為忌審言詩雖不多句律極嚴無
失粘者甫之
家傳有自來矣

五言古詩

南海亂石山作

漲海積稽天羣山高業地相傳稱亂石圖典失其
事懸危悉可驚大小都不類乍將雲島極還與星
河次上聳忽如飛下臨仍欲墜朝暎絕丹紫夜晷
炯青翠穹崇霧雨蓄幽隱靈仙闕萬尋掛鶴巢千

丈垂猿臂昔去景風涉今來姑洗至觀此得詠漱
長時想精異

送和西蕃使

使出鳳凰池京師陽春晚聖朝尚邊策詔諭兵戈
偃拜手明光殿搖心上林苑種落踰青羌關山度
赤坂疆場及無事稱歌而餐飯寧獨錫和戎更當
封定遠

五言律詩

蓬萊三殿侍宴奉勅詠終南山應制

北斗掛城邊南山倚殿前雲標金闕迴樹杪玉堂

懸半嶺通佳氣中峰繞瑞煙小臣持獻壽長此戴堯天

望春亭侍遊應詔

帝出明光殿天臨太液池堯樽隨步輦舜樂繞行麾萬壽禎祥獻三春景物滋小臣同酌海歌頌落無爲

宿羽亭侍宴應制

步輦千門出離宮二月開風光新柳報宴賞落花催碧水搖空閣青山繞吹臺聖情留晚興歌管送餘杯

奉和七夕侍宴兩儀殿應制

一年銜別怨七夕始言歸
斂淚開星曆微步動雲
衣天迴免欲落河曠鵲停飛
那堪盡此夜復往弄
殘機

歲夜安樂公主滿月侍宴應制

戚里生昌胤天杯宴重臣
畫樓初滿月香殿早迎
春
睿作堯君寶孫謀梁國珍
明朝元會日萬壽樂
章陳

大酺

永昌
元年

聖后承乾日皇明御曆辰紫宮初啓坐蒼壁正臨

春雷雨垂膏澤金錢贈下人詔醕歡賞遍交泰觀
惟新

賦得妾薄命

草綠長門掩蒼青永巷幽寵移新愛奪淚落故情
畱啼鳥驚殘夢飛花攪獨愁自憐春色罷團扇復
迎秋

七夕

白露含明月青霞斷絳河天街七襄轉關道二神
過袵服鏘環珮香筵拂綺羅年年今夜盡機杼別
情多

除夜有懷

故節當歌守新年把燭迎冬氛戀虬箭春色候雞
鳴興盡聞壺覆宵闌見斗橫還將萬億壽更謁九
重城

晦日宴遊

日晦隨冥莢春情著杏花解紳宜燕水張幕會連
沙歌管風輕度池臺日半斜更看金谷騎爭向石
崇家

夏日過鄭七山齋

共有樽中好言尋谷口來薜蘿山逕入荷芰水亭

開日氣含殘雨雲陰送晚雷洛陽鍾鼓至車馬繫
遲回

秋夜宴臨津鄭明府宅

行止皆無地招尋獨有君酒中堪累月身外卽浮

雲露

一作霜

白宵鍾徹風清曉漏聞坐馮餘興往還

似未離羣

重九日宴江陰

蟋蟀期歸晚菜萸節候新降霜青女月送酒白衣
人高興要長壽甲棲隔近臣龍沙卽此地舊俗坐
爲隣

都尉山亭

紫藤縈葛藟綠刺罥薔薇下釣看魚躍採巢畏鳥
飛葉疎荷已晚枝亞果新肥勝迹都無限只應伴
月歸

登襄陽城

旅客三秋至層城四望開楚山橫地出漢水接天
回冠蓋非新里章華卽舊臺習池風景異歸路滿
塵埃

經行嵐州

北地春光晚邊城氣候寒往來花不發新舊雪仍

殘水作琴中聽山疑畫裏看自驚牽遠役艱險促
征鞍

旅寓安南

交趾殊風候寒遲暖復催仲冬山果熟正月野花
開積雨生昏霧輕霜下震雷故鄉踰萬里客思倍
從來

春日懷歸

心是傷歸望春歸異往年河山鑿魏闕桑梓憶秦
川花雜芳園鳥風和綠野烟更懷歡賞地車馬洛
橋邊

和康五望月有懷

明月高秋迴愁人獨夜看暫將弓並曲翻與扇俱
團霧濯清輝苦風飄素影寒羅衣一此鑒頓使別

離難

和晉陵陸丞早春遊望

獨有宦遊人偏驚物候新

劉須溪云起得悵悵

雲霞出海曙

梅柳渡江春

兩句復自浩然

淑氣催黃鳥晴光轉

一作照

綠

蘋忽聞歌古調歸思欲沾巾

和韋承慶過義陽公主山池五首

野興城中發朝英物外求情懸朱紱望契動赤泉

月字新金
遊海燕巢書閣山雞舞畫樓
兩餘清晚夏共坐北
巖幽

逕轉孤峯逼橋迴缺岸妨玉泉移酒味石髓換麪
香綰霧青絲弱牽風紫蔓長猶言行樂少別向後
池塘

攜琴遶碧沙搖筆弄青霞
杜若幽庭草芙蓉幽沼
花宴遊成野客形勝得山家
往往畱仙步登攀日
易斜

攢石當軒倚懸泉度牖飛鹿麕銜妓席鶴子曳童
衣園果嘗難遍池蓮摘未稀
卷簾唯待月應在醉

中歸

賞翫期他日高深愛此時池分一作八水背峯作

九山疑池靜魚偏逸人間鳥欲欺青谿留別興更

與白雲期

送郎中北使

北狄願和親東京發使臣馬銜邊地雪衣染異方
塵歲月催行旅恩榮變苦辛歌鍾期重錫拜手落
花春

送崔融

君王行出將書記遠從征祖帳連河關軍麾動洛

城旌旗朝朔氣
笳吹夜邊聲
坐覺煙塵掃
秋風古北平

代張侍御傷美人

二八泉扉掩帷屏
寵愛空淚痕
銷夜燭愁緒亂
春風巧笑人疑在新粧
曲未終應憐脂粉氣
猶着舞衣中

五言排律

扈從出長安應制

分野都畿列時乘六御均
京師舊西幸洛道此東
巡文物驅三統聲明走百神
龍旗縈漏夕鳳輦拂

鈎陳撫迹地靈古游情皇鑿新山追散馬日水憶
釣魚人禹食傳中使堯樽遍下臣省方稱國阜問
道識風淳歲晚天行吉年豐景從親歡娛包歷代
宇宙忽疑春

春日江津遊望

旅客搖邊思春江弄晚晴煙銷垂柳弱霧捲落花
輕飛棹乘空下回流向日平鳥啼移幾處蝶舞亂
相迎忽歎人皆濁隄防水至清谷王常不讓深可
戒中盈

度石門山

石門千仞斷迸水落遙空道東懸崖半橋欹絕澗
 中仰攀人屢息直下騎纜通泥擁奔虵徑雲埋伏
 獸叢星躔牛斗北地脉象牙東開塞隨行變高深
 觸望同江聲連驟雨日氣抱殘虹未改朱明律先
 含白露風堅貞深不憚險澁諒難窮有異登臨賞
 徒爲造化功

和李大夫嗣真使存撫河東

唐書武后紀天授元年改唐爲

周遣使分道存撫天下后父士彘河東人故篇中有并邑陵屬諸語胡元瑞云初唐排律四十韻者僅見此篇實少陵家法其八京李北海云次及吾家詩慷慨嗣真作者此也

六位乾坤動三微曆數遷謳歌移火德圖讖在金
天子月開階統房星受命年積符龍馬出寶籙鳳
凰傳地卽交風雨都仍卜澗瀝明堂唯御極清廟
乃尊先不宰神功運無爲大象懸八荒憑物土四
海接人煙已屬羣生泰猶言至道偏璽書傍問俗
旌節近推賢秩比司空位官臨御史員雄詞執刀
筆直諫罷樓船國有大臣器朝加小會筵將行備
禮樂送別仰神仙城闕周京轉關河陝服連稍觀
汾水曲俄指絳臺前姑射聊長望平陽遂宛然舜
耕餘草木禹鑿舊山川昔出諸侯上無何霸業全

中軍歸戰敵外府絕兵權隱隱帝鄉遠瞻瞻肅命
虔西河偃風俗東壁掛星躔并邑粉榆社陵園松
栢田榮光晴掩代佳氣曉侵燕雨霑鴻私滌風行
睿旨宜憚爰訪疾苦屠釣採貞堅人樂逢刑措時
康洽賞延賜踰秦氏級恩倍漢家錢擁傳咸翹首
稱觴競比肩拜迎彌道路舞詠溢郊鄜殺氣西衡
白窮陰北暝玄飛霜遙渡海殘月迴臨邊緬邈朝
廷問周流朔塞旋興來探鳥篆倏發抱龍泉學總
八千卷文傾三百篇澄清得使者作頌有人焉莫
以崇斑閔而云勝託指偉材何磊落隨質幾翩翩

江海寧為讓巴渝轉自牽一聞歌聖道助曲荷陶
甄

贈崔融二十韻

十年俱薄宦萬里各他方雲天斷書札風土異炎
涼太息幽蘭紫勞歌奇樹黃日疑懷叔度夜似憶
真長北使從江左一作長東歸在洛陽相逢慰疇昔
相對敘存亡草深窮巷毀竹盡故園荒雅節君彌
固衰顏余自傷人事盈虛改交游寵辱妨雀羅爭

去翟鶴警競

一作更

尋王思極歡娛至朋情詎可忘

琴樽橫宴席巖谷

一作沼

卧詞場連騎追佳賞城中

及路傍三川宿雨霽四月晚花芳復此開懸榻寧
唯入後堂興酣鳩鴒舞言冷鳳凰翔高選俄遷職
嚴程已飭裝撫躬銜道義攜手戀輝光玉振先推
美金銘舊所防勿嗟離別易行役共時康

贈蘇味道

北地寒應苦南庭戍未歸邊聲亂羌笛朔氣卷戎
衣雨雪關山暗風霜草木稀胡兵戰欲盡漢卒尚
重圍雲淨妖星落秋深塞馬肥據鞍雄劍動搖筆
羽書飛興駕還京邑朋游滿帝畿方期來獻凱歌
舞共春輝

泛舟送鄭卿入京

帝座蓬萊燬恩追社稷臣長安遙向日宗伯正乘
春相宅開基地領都送別人行舟縈淥水列戟滿
紅塵酒助歡娛洽風催景氣新此時光乃命誰爲
惜無津

七言律詩

守歲侍宴應制

季冬除夜接新年帝子王孫捧御筵宮闕星河低
拂樹殿庭燈燭上薰天彈絃奏節梅風入對局探
鈎栢酒傳欲向正元歌萬壽暫留歡賞寄春前

大酺

毘陵震澤九州通
士女歡娛萬國同
伐鼓撞鍾驚海上
新粧袞服照江東
梅花落處疑殘雪
柳葉開時任好風
火德雲官逢道泰
天長地久屬年豐

春日京中有懷

今年遊寓獨遊秦
愁思看春不當春
上林苑裏花徒發
細柳營前葉漫新
公子南橋應盡興
將軍西地幾留賓
寄語洛城風日道
明年春色倍還人

七言絕句

渡湘江

遲日園林悲昔遊
今春花鳥作邊愁
獨憐京國人
南窠不似湘江水
北流

贈蘇給書記

知君書記本翩翩
爲許從戎赴朔邊
紅粉樓中應
計日燕支山下
莫經年

戲贈趙使君美人

紅粉青娥映楚雲
桃花馬上石榴裙
羅敷獨向東方去
謾學他家作使君

劇刺史小鬟

清風細雨濕梅花
驟馬先過碧玉家
正值楚王宮

裏至門前初下七香車

乙籤六十七

唐音統籤卷四十五

劉希夷

一名庭芝

汝州人少有文華好酒色彈琵琶落

魄不拘常格善為從軍閨情詩後為人所殺

或云宋之

問害之

詩集十卷

宋志四卷

今編一卷

唐新語云希夷詩詞有悲苦不

為人重後孫昱撰正聲集以希夷詩為集中之最由是大為時人所稱

將軍行

將軍闢轅門耿介當風立諸將欲言事逡巡不敢
入劔氣射雲天鼓聲振原隰黃塵塞路起走馬追
兵急彎弓從此去飛箭如雨集截圍一百重斬首
五千級代馬流血死胡人抱鞍泣古來養甲兵有

事常討襲乘我廟堂運坐使干戈戢獻亂歸京師

一作還軍容何翕習

從軍行

秋天風颯颯一作秋風羣胡馬行疾嚴城晝不開

伏兵暗相失天子廟堂拜將軍凶門出紛紛晉陽

道戎馬幾萬匹軍門壓黃河兵氣衝白日平生懷

仗劍慷慨即投筆南登漢月孤北走燕雲密近取

韓彭計早知孫吳術丈夫清萬里誰能掃一室

春女行

春女顏如玉怨歌陽春曲巫山春樹紅沅江一作

春草綠自憐妖豔姿粧成獨見時愁心伴楊柳春
盡亂如絲目極千餘里悠悠春江水頻想玉關人
愁卧金闈裏尚言春花落不知秋風起嬌愛猶未
終悲涼從此始憶昔楚王宮玉樓粧粉紅纖腰弄
明月長袖舞一作拂春風容華委西山光陰不可一作
再還桑林沒一作變東海富貴今何在寄言桃李容
胡爲閨閣重但看楚王墓唯有數株松

采桑

楊柳送行人青青西入秦誰家采桑女樓上不勝
春盈盈灞水曲步步春芳綠紅臉耀明珠絳脣含

白玉回首滑橋東遙憐春樹一作色同青絲嬌落日

綉綺弄春風攜籠長歎息逶遲一作戀春色看花

若有情倚樹疑無力薄暮思悠悠使君空照頭相

逢不相識歸去夢青樓

代閨人春日

珠簾的曉光玉顏豔春彩林間鳥鳴喚戶外花相
待花鳥惜芳菲鳥鳴花亂飛人今伴花鳥日暮不
能歸池月憐歌扇山雲愛舞衣佳期楊柳陌攜手
莫相違

嵩嶽聞笙

月出嵩山東月明山益空山人愛清景散髮卧秋
風風止夜何清獨夜草蟲鳴仙人不可見乘月近
吹笙絳脣吸靈氣玉指調真聲真聲是何曲三山
鸞鶴情昔去落塵俗願言聞此曲今來卧嵩岑何
幸承幽音神仙樂吾事笙歌銘夙心

孤松篇

蚤月桑葉青鶯時柳花白澹豔烟雨姿敷芬一作芳
陽春陌如何秋風起零落從此始獨有南澗松不
歎東流水玄陰天地冥皓雪朝夜零豈不懼寒暑
爲君留青青青青好顏色落落任孤直羣樹遙相

望衆草不敢逼靈龜卜真隱仙鳥宜棲息耻受秦
帝封願言唐侯食寒山夜月明山冷氣清清凄兮
歸風一作集吹之作琴聲松子卧仙岑寂聽疑野
心清冷有真曲樵採無知音美人何時來幽徑委
綠苔吁嗟深澗底棄捐廣厦才

春日行歌

山樹落梅花飛落野人家野人何所有滿甕陽春
酒携酒上一作春臺行歌伴落梅醉罷卧明月乘
夢遊天台

歸山

歸去嵩山道，烟花覆青草。草綠山無塵，山青楊柳
春日暮，松聲合空歌。思殺人。

秋日題汝陽潭壁

獨坐秋陰生，悲來從所適。行見汝陽潭，飛蘿蒙水
石懸瓢木葉上。風吹何歷歷，幽人不耐煩。振衣一作

袂步閑寂，迴流清見底。金沙覆銀礫，錯落非一文。

空隴幾千尺，魚鱗可憐紫。鳴毛自然碧，吟咏秋水
篇。渺然忘損益，秋水隨形影。清濁混心迹，歲暮歸
去來。東山余宿昔。

洛川懷古

萋萋春草綠悲歌牧征馬行見白頭翁坐泣青竹
下感歎前問之贈予辛苦詞歲月移今古山河更
盛衰晉家都洛濱朝廷多近臣詞賦歸潘岳繁華
稱季倫梓澤春草非河陽亂華飛綠珠不可奪白
首同所歸高樓倏冥滅茂林久摧折昔時歌舞臺
今成狐兔穴人事互消亡世路多悲傷北邙是吾
宅東岳爲我鄉君看北邙道欄腰榮蔓草芳

碑塋或半存荆棘斂幽菟揮涕

棄之去不忍聞此言

蜀城懷古

蜀土一作山 遶水竹吳天積風霜窮覽通表裏氣色

何蒼蒼舊國有年代青樓思豔妝古人無歲月白

骨冥丘荒寂歷輝琴地幽流一作留 讀書堂玄龜埋

卜室彩鳳滅詞場陣圖一一在栢樹雙雙行鬼神

清漢廟鳥雀參秦倉歎世已多感一作歎逝 懷心

益自傷一作感懷 賴蒙靈丘境時當一作鈞 明月光

巫山懷古

巫山幽陰地神女豔陽年襄王何容色落日望悠

然歸來高唐夜金缸燄青烟頽想卧瑤席夢竟何

翩翩搖落殊未已榮華倏徂遷愁思瀟湘浦悲涼

雲夢田猿啼秋風夜鴈飛明月天巴歌不可聽聽
此益潺湲

謁漢世祖廟

春陵氣初發漸臺首未傳列營百萬衆持國十八
年運聞朱旗後道合赤符先宛城劍鳴匣昆陽鏑
應弦獷獸血塗地巨人聲沸天長驅過北趙短兵
出南燕太守迎門外王郎死道邊昇壇九成陌端
拱千秋年朝廷方雀躍劍珮幾聯翩至德刑四海
神儀翳九泉宗子行舊邑恭聞清廟篇君容穆而
聖臣像儼猶賢攢木承危柱疎蘿挂朽椽祠庭巢

鳥啄祭器網蟲緣懷古江山在惟新曆數遷空餘
今夜月長似舊時懸

江南曲八首

暮宿南洲草晨行北岸林日懸滄海闊水隔洞庭
深烟景無畱意風波有異潯歲遊南極日春戲易
爲心朝夕無榮遇芳菲已滿襟

豔唱潮初落江花露未晞春洲驚翡翠朱服弄芳
菲畫舫烟中淺青陽日際微錦帆衝浪濕羅袖拂
行衣含情罷所採相歎惜流暉

君爲隴西客妾遇江南春朝遊含靈果夕採弄風

蘋果氣時不歇蘋花日自新
以此江南物持贈隴西人
空盈萬里懷欲贈竟無因

皓如楚江月靄若吳岫雲
波中自皎鏡山上亦氤氳
明月留照妾輕雲持贈君
山川各離散光氣乃殊分
天涯一爲別江北不相聞

織舟乘潮去風帆振草涼
潮平見楚甸天際望維揚
洞派經千里烟波接兩鄉
雲明江嶼出日照海流長
此中逢歲晏清樹落花芳

暮春三月晴維揚吳楚城
城臨大江汜迴映洞浦
清晴雲曲金闕珠樓碧烟裏
月明芳樹羣鳥飛風

過長林雜花起可憐離別誰家子于此一至情何
已

北堂紅草盛葺葺南湖碧水照芙蓉朝遊暮起金
花盡漸覺羅裳珠露濃自惜妍華三五歲已歎關
山千萬重人情一去無還日欲贈懷芳怨不逢
憶昔江南年盛時平生怨在長洲曲冠蓋星繁江
水上衝風標落洞庭洙落花 袖紅紛紛朝霞高
閣洗晴雲誰言此處嬋娟子珠玉爲心以奉君

擣衣篇

秋天瑟瑟夜漫漫夜白風清玉露溥燕山遊子衣

裳薄秦地佳人閨閣寒欲向樓中繫楚練還來機
上裂齊紈攬紅袖兮愁徙倚盼青砧兮悵盤桓盤
桓徙倚夜已久螢火雙飛入簾牖西北風來吹細
腰東南月上浮纖手此時秋月可憐明此時秋風
別有情君看月下參差影爲聽莎間斷續聲絳河
轉兮青雲曉飛鳥鳴兮行人少攢眉緝縷思紛紛
對影穿針覓悄悄聞道還家未有期誰憐登隴不
勝悲夢見形容亦舊日爲許裁縫改昔時緘書遠
寄交河曲須及明年春草綠莫言衣上有斑斑只
爲思君淚相續

公子行

天津橋下陽春水天津橋上繁華子馬聲迴合青
雲外人影動搖綠波裏綠波蕩漾玉爲砂青雲離
披錦作霞可憐楊柳傷心樹可憐桃李斷腸花此
日遨遊邀美女此時歌舞入娼家娼家美女鬱金
香飛去飛來公子傍的的珠簾白日映娥娥玉顏
紅粉粧花際徘徊雙蛺蝶池邊顧步兩鴛鴦傾國
傾城漢武帝爲雲爲雨楚襄王古來容光人所羨
况復今日遙相見願作輕羅着細腰願爲明鏡分
嬌面與君相向轉相親與君雙棲共一身願作貞

松千歲古誰論芳槿一朝新百年同謝西山日千
秋萬古北邙塵

代悲白頭翁

洛陽城東桃李花飛來飛去落誰家洛陽女兒惜
顏色坐見落花長歎息今年花落顏色改明年花
開復誰在已見松栢摧爲薪更聞桑田變成海古
人無復洛城東今人還對落花風年年歲歲花相
似歲歲年年人不同寄言全盛紅顏子應憐半死
白頭翁此翁白頭真可憐伊昔紅顏美少年公子
王孫芳樹下清歌妙舞落花前光祿池臺開錦繡

將軍樓閣畫神仙一朝卧病無相識三春行樂在
誰邊宛轉蛾眉能幾時須臾鶴髮亂如絲但看古
來歌舞地惟有黃昏鳥雀悲唐新語云希夷初為
白頭翁詠云今年花
落顏色改明年花開復誰在既而自悔曰我此詩
識與石崇白首同所歸何異乃更作一聯云年年
歲歲花相似似歲歲年年人不同既而歎曰此句復
似向識矣然死生有命豈復由此乃兩存之詩成
未周歲為姦人所殺或云宋之問害希夷而
以此篇為已作至今識在之問集中可據

代秦女贈行人

鸞鏡曉含春蛾眉向影嚬開 衣裳破那堪粉黛

新春還洛陽道為憶春堦草楊葉未能攀梅花待

君掃今朝喜鵲傍人飛應是狂夫走馬歸遙想行

歌共遊樂迎前含笑着春衣

洛中晴月送殷四入關

清洛浮橋南渡頭天晶萬里散華洲晴看石漱光
無數曉入寒潭浸不流微雲一點曙烟起南陌憧
憧過行子欲將此意與君論復道秦關向千里

入塞

將軍陷虜圍邊務息戎機霜雪交河盡旌旗入塞
飛曉光隨馬度春色伴人歸課績朝明主臨軒拜
武威

覽鏡

青樓明鏡臨照不勝悲白髮今如此人生能幾
時秋風下山路明月上春期歎息君恩盡容顏不
可思

晚春

佳人眠洞房回首見垂楊寒盡鴛鴦破春生玳瑁
牀庭陰幕青靄簾影散紅芳寄語同心伴迎春且
薄妝

送友人之新豐

日暮秋風起關山斷別情淚垂黃葉下愁向綠樽
生野路歸駢轉河洲宿鳥驚賓遊寬旅宴王事促

嚴程

饒李秀才赴舉

鴻鵠振羽翩翩飛入帝鄉朝鳴集銀樹暝宿下金塘日月天門近風烟客路長自憐窮浦鴈歲歲不

隨陽

夜集張諲所居

江南成久客門館日蕭條惟有圖書在多傷鬢髮凋諸生陪講誦稚子給漁樵隱室寒燈淨空階落葉飄滄洲自有趣誰道隱須招

故園置酒

詩入賢賓
王集者誤

酒熟人須飲春還鬢已秋願逢千日醉得緩百年
憂舊里多青草新知盡白頭風前燈易滅川上月
難留卒卒周姬且栖栖魯孔丘平生能幾日不及
且遨遊

晚憇南陽旅館

旅館何年廢征夫此日過途窮人自哭春至鳥還
歌行路新知少荒田古邈多池篁覆丹谷墳樹遶
清波日照蓬陰轉風微野氣和傷心不可去回首
怨如何

乙籤六十八

唐音統籤卷四十六

李嶠字巨山趙州人弱冠舉進士則天朝官鳳閣舍人每有大手筆皆特命嶠為之累遷鸞臺侍郎知政事封趙國公景龍中以特進守兵部尚書同中書門下三品睿宗立出刺懷州玄宗貶為滁州別駕改廬州卒嶠富才思初與王楊接踵中與崔蘇齊名晚諸人沒獨為文章宿老一時學者取法焉集五十卷雜詠詩十二卷

宋志嶠詩十卷新詠一卷通考止存單題

詩一今編五

張說云李嶠性融薛稷宋之問之文如良金美玉無施不同

紀憲

云嶠有三戾性好榮遷憎人毀進好文章憎人才華性貪濁憎人受賂

五言古詩

奉教追赴九成宮途中口號

委質承先翰祗命遙遙策事偶從梁道人非背淮
客長驅歷川阜迴眺窮原澤鬱鬱桑梓繁油油禾
黍積雨餘林氣靜日下山光夕未盡叢桂巖猶倦
飄蓬陌行當奉麾蓋慰我勞行役

扈從還洛呈侍從羣官

四海帝王家兩都馬一作漢室觀風昔來幸御氣
今旋蹕雷奮六合闔天行再乘出亥冥奉時駕自
拒參戎律後隊咽笳籥前驅嚴罕單滿苑射東井

禁令橫西秩帳殿別陽秋旌門臨甲乙將交洛城
雨稍遠長安日邛輦雲外來咸秦霧中失孟冬霜
霰下是月農功畢天道向歸餘皇情美陰騰行存
名嶽禮遞問高年疾祝鳥旣開羅調人更張瑟登
原采謳誦俯谷求才術邑罕懸磬貧山無掛瓢逸
施恩浹寰宇展義該文質德澤盛軒遊哀矜深禹
恤申歌地廬駭獻壽衢罇溢瑞色抱氤氳寒光變
蕭瑟宗枝旦奭輔侍從王劉匹並輯蛟龍書同簪
鳳凰筆陶甄荷吹萬頌嘆歸明一歡與道路長顧
隨談笑密叨承廊廟選

一作

舉 謬齒夔龍彌喜構大

厦成慙非棟隆吉

安輯嶺表事平罷歸

本傳云嶠為監察御史時嶺南邕嶽二州首領

反叛高宗發兵討擊令嶠往監軍事嶠乃宣朝旨特赦其罪親入獠洞以招諭之獠者盡降因罷兵而還高宗甚嘉之

雲端想京縣帝鄉如可見天涯望越臺海路幾悠
哉六月飛鵬去三年瑞雉來境遙銅柱出山險石
門開自我違灑洛瞻途屢揮霍朝朝寒露多夜夜
征衣薄白簡承朝憲朱方撫夷落旣弘天覆曠且
諭皇恩博皇恩溢外區憬俗詠來蘇聲朝臣天子
壇場拜老夫絳官嶠將畧黃石寢兵符返旆收龍

虎空營集鳥鳥日落澄氛靄憑高視衿帶東甌抗
於越南斗臨吳會春色遶邊陲飛花出荒外卉服
紛如積長川思遊客風生丹桂晚雲起蒼梧夕去
軸艤清江歸軒趨紫陌衣裳會百蠻琛賫委重關
不學金刀使空持寶劍還

陸賈事

奉使築朔方六州城率爾而作

奉詔受邊服總徒築朔方驅彼犬羊族正此戎夏
疆子來多悅豫王事寧息邊三旬無愆期百姓鬱
相望雄視沙漠垂有截北海陽二庭已頽頽五嶺
盡來王驅車登崇墉顧眄凌大荒千里何簫條草

木自悲涼懋軾訊古今慨焉感興亡漢障緣何遠
秦城入海長顧無廟堂策貽此中夏殃道隱前業
衰運開今化昌制爲百王式舉合千載防馬牛被
路隅鋒鏑銷戰場豈不懷賢勞所圖在永康王事
何爲者稱代陳頌章

早發苦竹館

合沓巖嶂深朦朧烟霧曉荒阡下樵客野猿驚山
鳥開門聽潺湲入徑尋窈窕棲颺抱寒木流螢飛
暗篠早霞稍霏霏殘月猶皎皎行看遠星稀漸覺
遊氛少我行撫輅傳兼得傍林沼貪翫水石奇不

知川路渺徒憐野心曠詎惻浮年少方解寵辱情
永託累塵表

和同府李祭酒沐沐田居

列位簪纓序隱居林野躡狗物爽全直棲真昧均
俗若人兼吏隱率性夷榮辱地藉朱邱基家在青
山足暫弭西園蓋言事東臯粟築室俯澗濱開扉
面巖曲庭幽引夕霧簷迴通晨旭迎秋谷黍黃舍
露園葵綠勝情狎蘭杜雅韻鏘金玉伊我懷丘園
願心從所欲

詠雲

大梁白雲起氛氲殊未歇錦文觸石來蓋影凌天
發烟燼萬年樹掩映三秋月曾入大風歌從龍赴
圓闕

七言古詩

擬古東飛伯勞西飛鸞

傳書青鳥迎簫鳳巫嶺荆臺數通夢誰家窈窕任
園樓五馬千金照陌頭羅裙玉佩當軒出點翠施
紅競春日佳人二八盛舞歌羞將百萬呈雙蛾庭
前芳樹朝夕改空駐妍一作華欲誰待

寶劍篇